

In ritme?

Eks 12:1-14; Lev. 23:15-21; Lev. 23:39-43; Kol 2:13-17

Inleiding

- 2016 wat kom is op 'n manier voorspelbaar.
 - Datums is klaar vas op die kalender.
 - Dalk het jy al klaar besluit wat om met jou langnaweke te maak,
 - jy het 'n idee oor die vakansiedae
 - Dis nou hard werk tot by die April-vakansie,
 - dan kom die eerste regte ruskansie,
 - maar kort daarna is dit Paasnaweke...
 - ...lekker langnaweke.
 - Dan kom die Junie vakansie
 - party vlug na die warm plekke van die land
 - en dan byt ons weer vas vir Desember.
 - Dit is min of meer ons ritme
 - ...dis waarvoor jy regmaak die jaar.
- Maar Israel het 'n ander ritme gehad.
 - 'n Ritme wat vir hulle bestaan het uit hulle feeste...
 - en een wat eintlik bedoel is om ook ons lewensritme te bepaal.
- Ons gaan nou na die drie groot feeste van Israel kyk.
 - en elkeen van hierdie feeste verduidelik op 'n unieke manier iets vir ons van die evangelie en Jesus se werk in ons deur die Gees,
 - daarom gaan ons eintlik vandag iets leer oor die ritme van die evangelie in ons lewens.
 - Om ons daarop in te stel vir 2016.

Agtergrond

- Israel het baie verskillende feeste gehad maar drie grotes het uitgestaan
 - die Pasgafees, Pinksterfees en Hutte fees.
 - Dit is al feeste wat verplig was vir al die mans van Israel om by te woon [vgl. Eks 23:17; Deut. 27:7]
- Lees:
 - Pasga: Eks 12:1-14;
 - Pinkster: Lev. 23:15-21;
 - Hutte: Lev. 23:39-43;
 - Jesus: Kol 2:13-17
- Hierdie drie feeste is in hierdie volgorde gevier.
 - Pasga in Maart/April
 - Pinkster 50 dae daarna,
 - en die huttefees in omtrent September.
 - Die rede is omdat hulle logies pas:
 - Pasga gaan veral oor Israel se bevryding uit Egipte begin lente,
 - Pinkster gaan oor die begin van die oes middel somer,
 - Huttefees gaan oor die einde voltooiing van die oes, net voor herfs,
 - en herinner ook weer terug na God se sorg toe hulle nog in die woestyn geswerf het.
- Nou... oor hierdie feeste sê Paulus in Kol 2v16
“¹⁶Daarom moet julle nie dat iemand vir julle voorskrywe wat julle moet eet en drink nie of dat julle die jaarlikse feeste of die nuwemaansfees of die sabbatdag moet vier

nie. ¹⁷Dit is alles maar net die skaduwee van wat sou kom; die werklikheid is Christus.”

- Soos wat jy in die buitelyne van 'n skaduwee
 - 'n idee kan kry van die dinge wat die skaduwee maak,
 - kry ons deur hierdie feeste 'n idee van God die Vader se werk in Jesus deur sy Gees.
 - Elke fees op sy eie gaan eintlik oor Jesus se werk in jou lewe,
 - maar ons gaan nou hierdie drie bymekaarsit
 - om die groter ritme daarvan vir ons lewens te ontdek

Pasga-fees - Die begin van my lewe

- God het die pasga ingestel nadat Israel uit Egipte gered is met die laaste van die 10 plae.
 - Onthou, ...Israel moes 'n lammetjie slag en sy bloed aan die kosyne smeer sodat die dood by daardie huis sou verbygaan.
 - Die maklikste om die spesiale betekenis hiervan te onthou is om te dink aan die ou Engelse woord hiervoor “Pass-over”,
 - “verby-gaan” en dit is presies wat die Hebreeuse woord
 - “Peshag” /pasga beteken: verbygaan.
 - Ons noem dit vandag paasfees. - anglisisme
- Nou, eeue later, presies toe die paasfees in Jerusalem aan die gang was,
 - het die Jode ook 'n Lam gevat, doodgemaak en aan 'n hout opgehang...

- sodat God ook by die sonde van mense sou 'pass-over' - verbygaan.
- Jesus het geweet dit kom en eintlik 'n dag voor dit gebeur het
 - as deel van die paasfees vir sy vriende verduidelik dat dit eintlik sy liggaam en bloed is wat geoffer word...
 - Hy is die paaslam van God wie se bloed maak
 - dat die dood verby mense sal gaan wat Hom vertrou
 - en hulle sal vir die eerste keer werklik kan lewe
 - 'n Regte fees hê oor Jesus... is dit hoe jy oor Hom voel?
- Wonderlik! ... maar nog net die begin van ons lewe,
 - hoe pas die ander skaduwees hierby in?

Pinkster - Die energie van my lewe

- Die tweede groot fees is die fees van weke.
 - Dit word so genoem omdat hierdie fees presies 7 weke gevier word na die paasfees.
 - Dit is omtrent 50 dae en daarom word dit in Grieks 'pentakoste' en vandaar in Afrikaans pinkster genoem.
- Teen hierdie tyd het die eerste bietjie van die oes begin inkom.
 - Hulle was bly oor die eerste tekens dat God vir hulle sorg.
 - 'n Teken dat God wat hulle uit Egipte gered het ook sy beloftes om vir hulle te sorg nakom.

- Pinksterfees as die eerste vrug van die oes
 - is die skaduwee van die eerste manier waarop Jesus jou versorg,
 - deur sy eie Heilige Gees.
 - Dit is waar die opbou en groei krag vir jou lewe lê
 - Dit is hoekom Jesus juis op die dag van die Pinksterfees die Heilige Gees vir sy volgelinge gegee het [vgl. Hand 2].
 - Paulus noem die Heilige Gees “die eerste gawe” [Rom 8:23]
 - Die Heilige Gees,
 - wat ons met nuwe oë na die wêreld laat kyk,
 - aan Jesus en die evangelie herinner,
 - ons bemoedig, ons lei, versterk, waarsku, troos, ons gawes gee
 - is daarom ons lewensenergie
 - Is jy ingestel op Hom as jou reisgenoot vir hierdie jaar
 - Hoor jy as Hy jou lei
 - Luister jy dan gehoorsaam in vertrouwe?
 - Dis al hoe die groei en die lewe in jou lewe invloei
- Pasga is dus die begin van ons lewe deur Jesus
 - en Pinkster is die energie van ons lewe deur sy Gees!
 - ...nou die hutte-fees.

Die huttefees - Die einde van my lewe

- Die hutte-fees is ook die fees van die ‘insameling’ genoem.
 - Dit is gevier aan die einde van die oes seisoen.

- Wanneer al die lande en wingerde en boorde afgeoes is
 - was dit 'n 7dae vakansie van vrolik wees omdat die werk klaar was en die hele oes uiteindelik in is.
- Maar waar kom die naam hutte-fees vandaan?
 - Omdat hierdie fees ook gebruik is om 'n ander geleentheid van God se sorg vir sy mense te vier...
 - die tydperk wat hulle vir 40 jaar as vreemdelinge in die woestyn rondevardwaal het.
 - Hulle het toe in allerhande hutte gebly wat van takke gemaak is
 - maar is deur God versorg met manne en kwartels.
 - Hy het hulle bewaar tot die tyd van die oes reg was.
- ...Maar hierdie fees is besonders omdat dit nog nie in vervulling gegaan het nie!
 - Die eintlike huttefees - die einde van die oestyd en woestyntyd kom nog.
 - Ons is vandag nog in hierdie oestyd en woestyn.
 - Oestyd op 'n plaas is hardewerk-tyd.
 - Vroeg opstaan, sweet en blase op die hande.
 - Daar moet nog hard gewerk word om die volle oes in te kry.
 - En dis woestyn tyd
 - – daar was 'n hele stuk tussen die slawe lewe in Egipte en die volle vrede van die land van melk en heuning.
 - Daar is nog 'n entjie van afhanklik wees van God se manne en kwartels voor ons in die beloofde land kom.

- Eers wanneer Jesus weer kom en die oes- en woestyn-tyd verby is,
 - kom die 7dae vakansie-hou en vrolik wees van die huttefees.

Die waarde van hierdie ritme

- Twee dinge van hierdie feeste help ons om die wonder van hierdie ritme te verstaan:
 - Hulle het saam 'n geheel betekenis gehad - ,
 - al drie was verplig vir alle mans.
 - een skaduwee
 - En tweedens moes dit herhaaldelik gevier word.
- Kom ons kyk:
- Die pasga, pinkster en die huttefees is een skaduwee van als wat Jesus die Christus vir ons kom oopsluit het.
 - Dit vorm saam die ritme van ons lewe en ons kan nie dele ignoreer nie
 - As jy jou lewensritme net anker in Jesus se dood en opstanding,
 - vergeet jy van die Heilige Gees wat jou elke dag al hoe meer wil laat breek met sonde,
 - en jou wil help om uit geloof en vertrouwe ook goeie vrug te dra
 - dan sê jy:
 - 'my saak' met die Here is reg...
 - maar dit hoef bv nie
 - my seksualiteit
 - of my eerlikheid te raak nie.

- Ek wil nou eers hierdie ding doen wat ek weet verkeerd is
 - Ek sal later vir God vergifnis vra
- As jy net eng fokus op pinkster en die Gees
 - vergeet jy maklik dat jy in Jesus klaar gered is
 - en dat ons nie deur die Gees snaakse dinge moet doen om nog gered te word nie
 - Dan sê jy:
 - Ja, Jesus, ...maar jy moet ook hard werk
 - jy moet ook darem in tale kan praat
 - jy moet darem mense self
 - jy moet darem reg lewe
 - als hierdie dinge om nou regtig God se genade te beleef.
- En as jy maar net oë toeknyp en wag vir die 7 dae vrolikheid - huttefees
 - vergeet jy dat Jesus jou vrygemaak het ook vir nou,
 - en sy Gees gegee het vir vandag!
 - dan sê jy:
 - ek hoor al hierdie dinge van Jesus se roeping en die krag van sy Gees
 - maar ek sal eintlik net gewoon aangaan met my lewe
 - spaar vir my pensioen en vakansies
 - en aande voor die TV
 - en wag vir die hemel.
- Die lewensritme, die hartklop, wat in Jesus se dissipels lewe is dit:
 - Jesus alleen die begin van my lewe,

- die Heilige Gees en sy Woord die energie en kompas van my lewe,
- die einde van die fees die hoogtepunt van my lewe wat my juis vandag laat aanhou werk.
- Die feeste teken saam eintlik een prentjie van 'n dissipel se lewe.
- Die tweede ding van hierdie feeste is: dit herhaal
 - Die volk het opdrag gehad om dit
 - oor en oor, jaar na jaar, dekade na dekade,
 - eeu na eeu te vier.
- Hoekom? Want ons vergeet maklik!
 - Aan die een kant spoel die golwe
 - van elke dag se krisis so vinnig oor jou
 - dat jy gou vergeet
 - waar jy eintlik vandaan is,
 - waar jou krag eintlik lê en
 - waarheen jy eintlik op pad is.
 - Aan die ander kant wil my eie ego God en sy genade ook nie altyd naby hê nie.
 - Ek wil my eer soek, nie syne nie
 - Ek wil my koninkryk bou, nie syne nie
 - Trots wil ek regkom en myself bewys
 - en nie swak afhanklik wees nie
 - Daarom sien ons in die herhaling van hierdie feeste God se genade nog soveel duideliker...
 - Hy weet hoe gou ons vergeet en opstandig raak

- Maar geduldig kom hy dit oor en oor onder ons neuse indruk.
- Die punt is:
 - Al hierdie feeste sáám is die skaduwee van die volheid wat Jesus die Christus vir ons is
 - Deur die jaar beweeg ons van sy een hoogtepunt na 'n volgende.
 - Dit is eerder die ritme waarin ons behoort te lewe in 2016...
 - Eerder... as om maar vas te byt vir die langnaweke en vakansies.

Slot

- Die hele evangelie is die ritmiese hartklop van die gelowige se lewe.
 - Dit is nie maar 'n vaal boodskappie dat Jesus vir jou sonde betaal het en jy gaan hemel toe nie.
 - Dit is 'n ryk waarheid wat in die geskiedenis van Israel deur God ingeweef is.
- 'n Ritme wat
 - In die jaar ingeweef is om ons te herinner
 - aan wat ons elke dag kan beleef
- Mag die ritme van die rykdom van God elke dag in en deur ons lewens klop.

Amen

Griffel van Wyk
Trinitas
17 Januarie 2015